

monasteria provincias comitatus civitates aut quelibet loca alia prelatorum a quocumque et per quemcumque et pro eorundem clericorum et laicorum in integrum restitutione.

Omnes insuper et singulas obediencias, promissiones, concessionem, donaciones et ratificaciones quascumque et qualescumque et specialiter omnes et singulas, quas imperator Henricus ultimus et alii electi seu assumpti in reges Romanorum vel ad imperium promoti per se vel alios summis pontificibus, Romane ecclesie vel eorum deputatis promiserunt, donarunt, firmarunt aut quomodolibet concesserunt, vice et nomine nostro et pro nobis concedendi, faciendi, promittendi, donandi, firmandi, confirmandi et perficiendi; securitates eciam et cauciones, firmitates, cautelas et obligaciones quascumque et qualescumque vice et nomine nostro pro omnibus et singulis, que per ipsos omnes aliquos vel aliquem ipsorum confessata, excusata, tractata, pacta, facta et gesta, ordinata, oblata, concessa, tradita, annullata, revocata, renovata, promissa et iurata fuerint, exhibendi, offerendi, faciendi, firmandi, vallandi, complendi et perficiendi; nos eciam ad observacionem eorundem sub penis, iuramentis, caucionibus et obligacionibus quibuscumque astringendi, obligandi et alligandi.

Confederacionem insuper, ligam, concordiam et unionem cum magnifico principe rege Roberto ad ordinacionem et voluntatem sanctitatis vestre vice et nomine nostro ac pro nobis sub penis, caucionibus, obligacionibus, cautelis et firmitatibus quibuscumque faciendi, iniendi, firmandi, complendi, roborandi et perficiendi ac cauciones eciam, obligaciones, penas et cautelas similes ab eodem rege pro observacione, robore et firmitate predictarum confederacionis, lige, concordie et unionis nomine nostro petendi, recipiendi et legitime stipulandi.

Item vice et nomine nostro dandi et concedendi vestre sanctitati plenam et liberam potestatem et auctoritatem, omnes et singulos processus et sentencias per quondam dominum Henricum imperatorem ultimum seu auctoritate ipsius factos seu promulgatos, factas seu promulgatas ob causas, culpas, excessus, offensas, iniurias, rebelliones et inobediencias quascumque in quascumque et contra quascumque civitates, terras, castra, communitates vel singulares personas, reges, principes, barones aut cuiuscumque status alterius, eminencie vel condicionis extiterint vel existant, quando et quociens vestra sanctitas ab eis vel eorum aliquo fuerit requisita aut non requisita, tollendi, remittendi, revocandi, cassandi et penitus annullandi et